



UNIVERSITÄTS-  
BIBLIOTHEK  
PADERBORN

## **Universitätsbibliothek Paderborn**

**Tora nevi'im u-ketuvim**

**Leusden, Johannes**

**Amstelodami, 1667**

Cap. XXIII.

**urn:nbn:de:hbz:466:1-39406**

בניכם לבנינו לאמר מה לכם וליהוה אלהי ישראל :  
 וגבול נתק יהוה בנינו ובניכם בני ראובן ובני גד את כה  
 הירדן אין לכם חלק ביהוה והשביתו בניכם את בנינו  
 לבלתי ירא את יהוה : ונאמר נעשה נא לנו לבנות 26  
 את המזבח לא לעולה ולא לזבח : כי ער הוא בינינו 27  
 ובניכם ובין דורותינו אחרינו לעבד את עבדת יהוה  
 לפנינו בעלותינו ובזבחינו ובשלמינו ולא יאמרו בניכם  
 מחר לבנינו אין לכם חלק ביהוה ונאמרו והיה כי יאמרו 28  
 אלינו ואל דרתינו מחר ואמרנו ראו את תבנית מזבח  
 יהוה אשר עשו אבותינו לא לעולה ולא לזבח כי ער  
 הוא בינינו ובניכם : חלילה לנו ממנו למרד ביהוה 29  
 ולשוב היום מאחרי יהוה לבנות מזבח לעלה למנחה  
 ולזבח מלבד מזבח יהוה אלהינו אשר לפני משכנו :

*Quibus  
auditis Is-  
raëlitæ ac-  
quiescunt.*

וישמע פינחס הכהן ונשיאי העדה וראשי ל  
 אלפי ישראל אשר אתו את הדברים אשר דברו בני  
 ראובן ובני גד ובני מנשה ויטב בעיניהם ויאמר פינחס 31  
 בן אלעזר הכהן אל בני ראובן ואל בני גד ואל בני  
 מנשה היום ידענו כי בתוכנו יהוה אשר לא מעלתם  
 ביהוה המעל הזה אז הצלתם את בני ישראל מיד יהוה ;  
 וישב פינחס בן אלעזר הכהן ויהנשיאים מאת בני 32  
 ראובן ומאת בני גד מארץ הגלעד אל ארץ כנען אל  
 בני ישראל וישבו אותם דבר : ויטב הדבר בעיני בני 33  
 ישראל ויברכו אלהים בני ישראל ולא אמרו לעלות  
 עליהם לצבא לשחת את הארץ אשר בני ראובן  
 ובני גד ישבים בה ; ויקראו בני ראובן ובני גד למזבח 34  
 כי ער הוא בינתינו כיהוה האלהים :

ויהי מימים רבים אחרי אשר הניח יהוה לישראל כנא  
 מכל איביהם מסביב ויהושע זקן בא בימים : ויקרא 2  
 יהושע

Cap. XXIII.  
Jehosuah,  
morti vici-  
nus, Israë-  
litarum



*primores ad se vocat: cunctosque graviter hortatur. & monet, ut in Fide & Religione Patrum permanent, eamque castam & illibatam servant.*

יהושע לכל ישראל לזקניו ולראשיו ולשפטיו  
 3 ולשטריו ויאמר אלהם אני זקנתי באתי בימים: ואתם  
 ראיתם את כל אשר עשה יהוה אלהיכם לכל הגוים  
 האלה מפניכם כי יהוה אלהיכם הוא הנלחם לכם:  
 4 ראו הפלתי לכם את הגוים הנשארים האלה בנחלה  
 לשבטיכם מן הירדן וכל הגוים אשר הכרתי והים  
 הגדול מבוא השמש: ויהוה אלהיכם הוא יהרסם  
 מפניכם והוריש אתם מלפניכם וירשתם את ארצם  
 6 כאשר דבר יהוה אלהיכם לכם: וחזקתם מאד לשמר  
 ולעשות את כל הכתוב בספר תורת משה לבלתי  
 7 סור ממנו ימין ושמאל: לבלתי בוא בגוים האלה  
 הנשארים האלה אתכם ובשם אלהיהם לא תזכירו  
 8 ולא תשבעו ולא תעבדו ולא תשתחוו להם: כי  
 אם ביהוה אלהיכם תדבקו כאשר עשיתם עד היום  
 9 הוזה: ויורש יהוה מפניכם גוים גדלים ועצומים ואתם  
 לא עמד איש בפניכם עד היום הזה: איש אחד מכם  
 ירדף אלף כי יהוה אלהיכם הוא הנלחם לכם כאשר  
 11 דבר לכם: ונשמרתם מאד לנפשתיכם לאהבה את  
 12 יהוה אלהיכם: כי אם שוב תשובו ודבקתם ביתר  
 הגוים האלה הנשארים האלה אתכם והתחתנתם  
 13 בהם ובאתם בהם יהם בכם: ידוע תדעו כי לא יזסיף  
 יהוה אלהיכם להושי את הגוים האלה מלפניכם  
 והיו לכם לפח ולמוקש ולשטט בצדיכם ולצננים  
 בעיניכם עד אבדכם מעל האדמה הטובה הזאת אשר  
 14 נתן לכם יהוה אלהיכם: והנה אנכי הולך היום בדרך  
 כל הארץ וידעתם בכל לבבכם ובכל נפשכם כי  
 לא נפל דבר אחד מכל הדברים הטובים אשר דבר  
 יהוה אלהיכם עליכם הכל באו לכם לא נפל ממנו

*Alioquin gravissimas ipsis poenas comminatur.*





דבר אחד: והיה כאשר בא עליכם כל הדבר הטוב טו  
אשר דבר יהוה אלהיכם אליכם כן יבא יהוה עליכם  
את כל הדבר הרע עד השמידו אותכם מעל הארמה  
הטובה הזאת אשר נתן לכם יהוה אלהיכם: בעברכם 16  
את ברית יהוה אלהיכם אשר צוה אתכם והלכתם  
ועברתם אלהים אחרים והשתחוויתם להם וחרה אף  
יהוה בכס ואבדתם מהרה מעל הארץ הטובה אשר

נתן לכם: ויאסף יהושע את כל כר

Cap. xxiv.  
Iterum Fe-  
hosuah con-  
venire o-  
mnes tribus  
Sichemum  
jubet: com-  
memoratis-  
que ingen-  
tibus, qua à  
Deo accepe-  
rant, bene-  
ficiis.

שבטי ישראל שכמה ויקרא לוקני ישראל ולראשו  
ולשפטיו ולשטריו ויתיצבו לפני האלהים: ויאמר 2  
יהושע אל כל העם כה אמר יהוה אלהי ישראל  
בעבר הנהר ישבו אבותיכם מעולם תרח אבי אברהם  
ואבי נחור ויעברו אלהים אחרים: ואקח את אביכם 3  
את אברהם מעבר הנהר ואולך אותו בכל ארץ

כנען וארב את זרעו ואתן לו את יצחק: ואתן 4 וארבה קרי

ליצחק את יעקב ואת עשו ואתן לעשו את הר שער  
לרשת אותו ויעקב ובניו ירדו מצרים: ואשלח את ה  
משה ואת אהרן ואנף את מצרים כאשר עשיתי  
בקרבן ואחר הוצאתי אתכם: ואוציא את אבותיכם 6  
ממצרים ותבאו הימה וירדפו מצרים אחרי אבותיכם  
ברכב ובפרשים יסוף: ויצעקו אל יהוה וישם 7  
מאפל בניכם ובין המצרים ויבא עליו אתהים  
ויכסהו ותראינה עיניכם את אשר עשיתי במצרים

ותשבו במדבר ימים רבים: ואביאה אתכם אל ארץ 8 וחיה

האמרי היושב בעבר הירדן וילחמו אתכם ואתן  
אותם בידכם ותרשו את ארצם ואשמידם מפניכם:  
ויקם בלק בן צפור מלך מואב וילחם בישראל וישלח 9  
ויקרא לבלעם בן בעור לקלל אתכם: ולא יאבית י  
לשמע